

Escrito por VM
Venres, 20 Xuño 2014 10:45



Tripadvisor, a maior web de viaxes do mundo anunciou este mes de maio, o recoñecemento do galardón de Certificado de Excelencia 2014 a este hotel miñorán, un premio que só se concede a 1000 hoteis en todo o mundo, a partir das valoracións e críticas dos propios clientes.

Cando temos en mente viaxar a un lugar concreto sempre acudimos a familiares ou amigos que estiveron na zona de destino para que nos recomenden un hotel, os lugares a visitar, onde debemos comer pero tamén onde non debemos ir, sexa por cuestións de prezo, atención, servizo ou mesmo por limpeza e hixiene do lugar.

Esta é a premisa coa que naceu [TripAdvisor](#), o sitio web de viaxes máis grande do mundo, permite que os viaxeiros planifiquen e leven a cabo a viaxe perfecta a partir dos consellos e opinións de outros usuarios que foron clientes dos aloxamentos. Unha información que calquera viaxiero colle como de primeira man.

[TripAdvisor](#)

proporciona consellos fiables de viaxeiros reais e unha ampla variedade de opcións e funcións de planificación con ligazóns directas ás ferramentas de reserva. Os sitios coa marca TripAdvisor conforman a comunidade de servizos de viaxes máis grande do mundo, grazas aos seus máis de 50 millóns de visitantes únicos ao mes e os seus máis de 60 millóns de opinións e comentarios.

Escrito por VM

Venres, 20 Xuño 2014 10:45

Este mes de xuño, [TripAdvisor](#) notificou aos propietarios dos hoteis e restaurantes de todo o mundo valorados co Certificado de Excelencia 2014. Este galardón, que recoñece a excelencia en hostalaría, concédese só aos establecementos que recolleron excelentes opinións dos usuarios de TripAdvisor en todo o mundo. Aproximadamente o 10% dos aloxamentos que aparecen en TripAdvisor reciben este prestixioso galardón. Para obter o Certificado de Excelencia, as empresas deben manter unha puntuación xeral de catro puntos ou máis sobre cinco en base ás opinións dos usuarios en TripAdvisor. Criterios adicionais inclúen o volume de comentarios recibidos nos últimos 12 meses.

"[TripAdvisor](#) ten o pracer de recoñecer ás empresas excepcionais pola súa constante excelencia, en base aos comentarios dos usuarios na nosa web", comenta Christine Petersen, presidenta de TripAdvisor for Business.

"O Certificado de Excelencia outorga aos establecementos de todo o mundo con alta puntuación o recoñecemento que merecen. Queremos aplaudir a este tipo de empresas por ofrecer unha gran experiencia aos viaxeiros de TripAdvisor".

Este é o caso do [Hotel Arce](#) que rexentan Robert Webster e Annabelle Penedo en Sabarís. Este é o terceiro ano que reciben este recoñecemento de Excelencia, tamén despois de recibir en xaneiro deste mesmo ano o [Premio Travellers' Choice](#) 2014 por atoparse entre os 25 mellores hoteis de España en relación "calidade-prezo" según a valoración dos propios usuarios desta web social.